



Broj: 11-04-38-sl./13-1  
Sarajevo, 26. 04. 2013. godine

### **SKUPŠTINA KANTONA SARAJEVO**

**n/r predsjedavajuće Skupštine Kantona Sarajevo, Malić Mirjane**

**PREDMET: Poslanička inicijativa, odgovor, dostavlja se**

Cijenjena,

u vezi sa pokrenutom poslaničkom inicijativom, koju je na 25. Radnoj sjednici Skupštine Kantona Sarajevo, održanoj 27. 3. 2013. godine, koju je pokrenuo poslanik Amir Zukić, u okviru tačke Dnevnog reda „Poslanička pitanja, inicijative i odgovori“, a u skladu sa Poslovnikom Skupštine Kantona Sarajevo, želimo da Vas obavijestimo o sljedećem:

- u okviru nadležnosti koje ima Ministarstvo za obrazovanje, nauku i mlade Kantona Sarajevo i u okviru planiranih programskih aktivnosti Ministarstva, oformljen je i stručni tim, koji čine predstavnici Ministarstva i nevladinog sektora, koji je proveo analizu i nakon toga javnu raspravu o provedenoj analizi nastavnih planova i programa za devetogodišnju osnovnu školu;
- nakon provedene analize i javne rasprave, stručni tim trenutno provodi aktivnosti na izradi metodologije za izradu novih nastavnih planova i programa za devetogodišnju osnovnu školu, te izradu istih, a što je rezultiralo revizijom Okvirnog nastavnog plana i programa za devetogodišnju osnovnu školu, na nivou Federacije Bosne i Hercegovine;
- donošenje novih nastavnih planova i programa podrazumijeva i izradu novih udžbenika, a udžbeničku politiku provodi Federalno ministarstvo obrazovanja i nauke, koje na sjednicama Koordinacije ministara obrazovanja Federacije BiH izvještava o provedenim aktivnostima kantonalna ministarstva obrazovanja;
- dio inicijative koji se odnosi na težinu učeničke torbe bit će predmetom analize Ministarstva za obrazovanje, nauku i mlade Kantona Sarajevo, te će se povodom navedenog pokušati naći modeli za najadekvatnija rješenja u narednom periodu.

S poštovanjem,

Dostaviti:

- Naslovu
- a/a





Broj:01-05-6163/13  
Sarajevo, 28.03.2013.godine

**VLADA KANTONA SARAJEVO**  
n/r premijera

**MINISTARSTVO ZA OBRAZOVANJE, NAUKU I MLADE**  
n/r ministra

**Poslanik Amir Zukić** na 25.Radnoj sjednici Skupštine Kantona Sarajevo održanoj 27.03.2013.godine, u okviru tačke Dnevnog reda "Poslanička pitanja, inicijative i odgovori" u skladu sa Poslovnikom Skupštine Kantona Sarajevo pokrenuo je poslaničku inicijativu:

"Svakodnevno smo pritisnuti raznim "reformama" obrazovanja i došli smo u situaciju da su nam djeca zatrpana nepotrebni gradivom viška nastavnih predmeta, viška udžbenika, da obrazovni sistem ide u pogrešnom smjeru, da je dječja torba sve teža, a znanje manje, očekujem i pokrećem inicijativu da u skladu sa kriterijima u razvijenim zemljama dobijemo interesantniji obrazovni sistem,a kvalitetniji,da olakšamo školsku torbu i školu napravimo prihvatljivijim i interesantnijim djeci."

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo( Drugi novi prečišćeni tekst-,,Službene novine Kantona Sarajevo"- broj 41/12), u pisanim obliku, obavjestite Skupštinu o učinjenom.

CO:  
-sekretar SKS  
-sekretar Vlade Kantona

PREDSJEDAVAJUĆA  
SKUPŠTINE KANTONA SARAJEVO  
*M. Malić*  
Prof. dr Mirjana Malić

